



ԵՐԿԱՆԻ ԵՍԶԱՅԻՉ

ԿԱՐԱՊԵՏ ԵՋՅԱՆ, ՄԿՐՏԻՉ ՍԱՆՍՈՐՅԱՆ, ԼԵՎՈՆ ՏԻԳՐԱՆՅԱՆ

Ա

Արապետ Եզյանի ընտանիքը, վաղուց Հաշտարխանից տեղափոխված չինեղով, վերաբնակություն էր հաստատել Մոսկվայում: 1859 թվին այդ ընտանիքը բաղկացած էր մորից, ծերացած մորաքրոջից, երկու եղբայրներից՝ Կարապետ և Հովհաննես և երկու քույրերից՝ Մարիամ ու Աննա:

Հարությունի որդի Կարապետն ուսանել է Հազարյան ճեմարանում, որտեղ և գիմնազիական միջնակարգ ուսման դասընթացն ավարտելուց հետո (1850-1851 թ.), իր համար որպես մասնագիտություն ընտրելով արևելագիտություն՝ հատկապես հայոց լեզուն, մտել է նույն ճեմարանի Արևելյան լեզվաց «Լիկեոնական» կոչված մասնագիտական դասարանը:

Հաջողությամբ ավարտելով Լիկեոնական դասընթացը (1852-1853 թ.), նա փոխադրվում է Պետերբուրգ և կանդիդատության թննություն բռնում համալսարանի արևելյան բաժնում, ուր հայոց լեզվի պրոֆեսորն էր հաշտարխանցի Մկրտիչ Բերդյանը: Այնուհետև նա պատրաստվում է մագիստրոսության թննության, որի համար գրում է «Հին Հայաստանի ներքին կենցաղը» փոքրագրով գիտական շարադրությունը (Внутренний быт-превней Армении): Չնայած այդ աշխատությունը բուն աղբյուրներից քաղված գույտ գիտական աշխատություն չէր, այլ համարյա ամբողջապես փոխառված էր Ինճիճյանի հայտնի «Հնագիտութիւն» գրքից, քայց և այնպես նա հաջողությամբ պաշտպանում և արժանանում է ռեկեկյան լեզուաց մագիստրոս-ի կոչման (1860 թ.):

Նա մտադիր էր Մկրտիչ Բերդյանից հետո՝ նրա տեղը համալսարանի արևելյան բաժնում ինքը գրավել, ուստի երբ 1860 թվին ադրբեյջանի Բերդյանի ծերության պատճառով հրաժարվում է պաշտոնից, նա իսկույն

շտապում է խնդրամատուց լինել համալսարանի ֆակուլտետին, որպեսզի իրեն հանձնեն նրա պաշտոնը:

Այդ պաշտոնին տիրանալու համար նրան մրցակից էր հանդիսանում Ստավրոպոլի Պատկանյան Տ. Պետրոս քահանայի որդի, Հարություն վարդապետ Ալամդարյանի թոռ Զեյնալաբ Պատկանյանը, որը 1857 թվին Պետերբուրգի Մանկավարժական ինստիտուտի պատմական գիտությունների բաժինը ավարտելուց և ապա երկու տարի էլ Թիֆլիսում ուսուցչի պաշտոն վարելուց հետո, 1859 թվից ընգմիշտ փոխադրվել էր Պետերբուրգ ու իրեն նվիրել պատմության ու լեզվագիտության ուսումնասիրման գործին:

Իրավունքի տեսակետից առաջնությունը կամ առավելությունը պատկանում էր Եզյանին, որովհետև նա թե՛ կանդիդատի և թե՛ մագիստրոսի կոչում ուներ, մինչդեռ Պատկանյանը նույնիսկ կանդիդատի կոչում էլ չուներ. նրա թեկնածվության փոդմետիկից էր նաև Ազգային Լուսավորության նախարարությունն՝ ի դեմս Հովհաննես Դելյանյանի, որն այդ ժամանակ Ս. Պետերբուրգի ուսումնական շրջանի հոգաբարձուն էր: Սակայն ընտրության իրավունքը պատկանում էր ֆակուլտետին, որը դիմելով Մկրտիչ Էմինին և նրա կարծիքը հարցնելով երկու մրցակից թեկնածուների արժանավորության մասին, նպատակադր վարժիք էր ստացել հօգուտ Պատկանյանի: Այսպիսով ընտրվում է Պատկանյանը:

Կորցնելով այդ պաշտոնին տիրանալու հույսը և յուր մասնագիտության համալսարանի մի ուրիշ պաշտոն էլ չգտնելով, նա դառնում է աստիճանավոր, առաջին հերթին ծառայության մտնելով Ներքին Գործոց նախարարության դեպարտամենտներից մեկը:

1860 թվին նա բաց է անում մի մասնա-

վոր պանսիոն, հատկապես գիմնազիաներն ավարտած հայ երիտասարդների համար. որպեսզի նրանք այդտեղ պատրաստվելով հնարավորութուն ունենան համալսարան մտնելու, քանի որ այդ ժամանակները գիմնազիաներն ավարտողները տալիս էին արտոնություն շունեին անմիջապես համալսարան մտնելու, այլ պարտավոր էին նախապես դրա համար, սահմանված քննության ենթարկվելու. համալսարանում, Դրա համար նա վարձում է մի բնակարան և իր ընտանիքը փոխադրում Պետերբուրգ. այստեղ էր նաև նրա եղբայրը, որը 1859—1860 թվին նույնպես ավարտած լինելով Լազարյան ճեմարանի միջնակարգ դասընթացը, մտել էր համալսարանի բժշկական բաժինը: Հետագայում նա ավարտելով բժշկական է դառնում: Եզյանի պանսիոնում հավաքվում են մոտավորապես 10—12 աշակերտ, որոնցից յուրաքանչյուրը վճարում էր նրան տարեկան 800 ռուբլի, որպես ուսման, բնակարանի և սննդի ծախք. աշակերտները նրա մոտ ապրում էին շատ լավ. թե բնակարանը, թե նիստ ու կացն. թե սնունդը և թե նրանց հետ վարվելու ընտանեկան ու սիրալիր ձևը գոհացուցիչ էին, և այդպես էլ շարունակվեցին մինչև վերջը: Այդ պանսիոնում են գտնվել երևանցի հայտնի փաստաբան Ռուբեն Զալալյանը, «Փորձ»-ի խմբագիր Աբգար Հովհաննիսյանը, Երևանի քաղաքային բժիշկ Լևոն Տիգրանյանը, հաշտարխանի երկու եղբայրներ՝ Մկրտիչ և Կարապետ Էդիլյանները, մոզդոկցի Միքայիլ Բուրջալյանը, պետերբուրգցի Գրիգոր Բուդաղյանը, մոսկվացի երկու եղբայրներ՝ Մեհրուբան և Արշակ Խալաթյանները և ուրիշներ:

Դասատվությունը կանոնավոր էր. ինքն Եզյանը դասավանդում էր պատմություն և աշխարհագրություն. մյուս առարկաների համար հրավիրվել էին մասնագետ ուսուցիչներ: Հսկողությունն աշակուղջ էր և կատարվում էր իր՝ Եզյանի, նրա ընտանիքի անդամների և երկու առանձին վերակացուների միջոցով, որոնցից մեկը գերմանացի Օտտենն էր, որ տիրապետում էր նաև ֆրանսերեն լեզվին, իսկ մյուսը համալսարանի վերջին կուրսի ուսանող վաղամեծ Մարտիրոս Սիմոնյանը. (հետագայում լավահամբավ ուսուցիչ ներսեսյան դպրոցում և Գիվորգյան ճեմարանում): Բայց ամենալավ հսկողներն էին Եզյանի մայրը (Մամինկեն) և քույրը՝ Աննան, որոնք իրենց հարազատների պես սիրում էին աշակերտներին ու փոխադարձաբար սիրվում նրանցից:

Եզյանը շատ հմուտ մանկավարժ և վարպետ ուսուցիչ էր. Բժ. Լևոն Տիգրանյանը,

որը ինն տարեկան հասակում թիֆլիս տեղափոխվելով և այդտեղ 6—7 տարի մասնավոր պանսիոններում, զանազան դպրոցներում և այլ մասնավոր՝ հայ, ռուս ու ֆրանսիացի ուսուցիչների և վարժուհիների ձեռքի տակ սովորելուց հետո, 16 տարեկան հասակում, համարյա բոլորովին ագետ, եկել էր Պետերբուրգ և իր քեռու՝ Մկրտիչ Սանասարյանի միջոցով 1859 թվին, նախքան պանսիոնի բացումը, տեղավորվել Եզյանի մոտ ուսման համար՝ տարեկան 1200 ռ. վճարով, նրա դասավանդության մասին իր ճշիշատականառում պատմում է հետևյալը. «Պետերբուրգում երկու շաբաթ մնացի քեռուս մոտ, որ ապրիլի 25-ին 1859 թ. տվեց ինձ Կարապետ Եզյանի մոտ սովորելու. դա այդ միջոցին մագիստրոսի քննությունն էր տվել և պատրաստում էր յուր դիսերտացիան և դարձավ մագիստր արևելյան լեզվաց գիտություն... Եզյանը շատ վարպետ մարդ էր կրթության գործում: Նա ինձ հետ վարվեց շատ մեղմ, ընկերաբար, որպես սիրող մեծ եղբայր. ամեն օր երեկոյան դնում էինք զբոսնելու և այդ միջոցին ինձ ամեն բան ցույց էր տալիս, բացատրում էր, (սովորատական ձև), աշխատում էր հաղուցանել իմ մեջ հետաքրքրություն գիտությանց վերաբերմամբ և ընտելացնել աշխատասիրության. երկու շաբաթվա ընթացքում ինձ այնպես ողորցեց, որ ես սկսեցի մեծ ջանքով պարապել և աշխատել սովորեցրեց բառարան (ռուս-հայ) գործածելու: Երբ սկսեցի հին պատմություն սովորելը, նա առաջին դասս (բարեկրնացիք) հարցնելիս տեսավ, որ լավ եմ պատմում և հասկացավ, որ անգիր եմ սովորել: Այն ժամանակ բացատրեց, որ չպետք է անգիր սովորել, այլ պատմել: Այդ առաջին անգամն էր կյանքումս, որ ուսանեմ կարդացածս պետք է պատմեի, այն ինչ պատմելու նաև ձեռք չգիտեի: Այդքան էր թիֆլիսից բերած գիտությունս: Եզյանի մոտ հենց սկզբից սկսեցի շատ աշխատել և երբ երեկոյան պահին ինձ տեղում էր ման գալու տանել, ես չէի ուզում ղնալ, ասելով թե ես սովորելու բան ունեմ: Ես ամբողջ օրը պարապում էի և ինքս զարմանում էի, թե ինչ է պատահել ինձ, որ ամեն ինչ ինձ հետաքրքրում է: Իմ մեջ ծագեց ցանկություն Եզյանի նման գիրք կարդալ և առաջին գիրքը, որ կարդացի, էր Պոլ և Վերթինե (հայերեն թարգմանություն), որ կիսատ էի հասկանում և շատ բան Եզյանից հարցնում: Այդ գիրքը ինձ վրա շատ մեծ տպավորություն թողեց. հետո կարդացի ուսանեմ լեզվով «Родослов»-ը: Նա կարդում էր ինձ Լեոմոնտովից. ես շատ

հավանքի ռեկլամ-ն և նա մի օր ասեց, ուզում ես թարգմանիր հայերեն և մենք տպենք, ես կուղղեմ: Այդ այնպես գրգռեց իմ ինքնասիրությունը, որ ես իսկույն համաձայնեցի և սկսեցի: Բայց ինչ թարգմանություն էր, թարգմանելու եղանակը չգիտեի, ռուսերեն կիսատ էի հասկանում և երբեք հայերեն բան գրած չէի: Եղյանն ամեն օր դասին գրածս ուղղում էր, խրախուժում էր, բացատրում էր կանոնները և այլն: Ես ամբողջ «Ռեկլամ»-ն թարգմանեցի և տղի պես կաշում էի Եղյանի յախից, թե հիմա պետք է տպել տալ: Նա ժպտալով խոստանում էր, բայց ես չէի հասկանում, որ այդ թարգմանությունը տպելու համար չէր, այլ ռուսերեն հասկանալու և սովորելու համար: Նույն կերպ վարվեց ինձ հետ ֆրանսերեն սովորեցնելու համար: Ես նրան անպալման հավատում էի, զարմանում էի նրա համբերության, վարվելու քաղցրության վրա: Նա ամենամեծ վարպետությունները սովորեցրեց ինձ աշխատանքի, և սովորեցրեց հետաքրքրվել, գիտությունով, լեզունեղությամբ և ամեն մի լավ գործով: Նրա հայտնած գաղափարներն ուղիղ, արդար, ազնիվ էին: Նրա խոսքն ինձ համար սուրբ էր:

«1859 թ. հունիսին գնացինք Եղյանի հետ Մոսկվա՝ ներկա լինելու նրա մեծ քրոջ՝ Մարիա Արտեմովնայի հարսանիքին (Բողոքան Վարդամի: Բողոքանովի հետ, որ հայ էր): Այդտեղ ծանոթացա մեր, քույրերի և եղբոր հետ: Նրանք ինձ սիրեցին և ես էլ նրանց սիրեցի: Մենք մի ամիս մնալով Մոսկով, վերադարձանք Պետերբուրգ: Եղյանը սկսեց մտածել պանսիոն բանալու...»: Եղյանը թեև հմուտ մանկավարժ, ուսուցիչ, պանսիոնի լավ կառավարիչ ու բարեխիղճ պետական աստիճանավոր էր, բայց բնավորության այնպիսի գծեր տեսնեի, որոնք նրան ծանր և անբարեհամբուլ էին դարձնում առօրյա կյանքում՝ հասարակության մեջ: Նա փառասեր էր, ինքնահավան, ջողոթնորթություն սիրող, ուրիշի կարծիքի չհանդուրժող, քեն պահող, ազդեցություն ձեռք բերելու, չղարկատուներին փրեն հպակականեցնելու ձգտում ունեցող, սրանք բնավորության գծեր ու հատկություններ էին, որոնք նրան հին քրմերին էին նմանեցնում, ուստի և նա ժամանակի հայ ինտելիգենտ դասի կողմից ճշգրտման արժանի է կնքված եղել ու ճշգրտման արժանի էլ: Որքան մեղ հայտնի է այդ հորջորջումը առաջին անգամ Եղյանին հատկացրել է Գրիգոր Արծրունին՝ լուր «Մշակ»-ում: Այս բոլորի հետ միասին՝ հակայն նա մյուս բարձր դիրք ունեցող հայ աստիճանավորներից տարբերվել է մի կողմից:

Նա ներքին Գործոց նախարարությունից ծառայության փոխադրվելով Ազգային Լուսավորության նախարարության և այդտեղ հետզհետե առաջ զնալով ու դրավելով Դպրոցական գործերի դեպարտամենտի փոխվերատեսչի բարձր պաշտոնը (Винедиректор департамента Министерства Народного Просвещения), որը նրան աչքի ընկնող դիրք ու կացություն էր ընծայում, մյուսների նման չի խզում իր հարաբերությունները հայ հասարակության հետ, այլ ընդհակառակ է՝ ավելի ամրացնում է այդ հարաբերությունները, մշտական ու հարատև գործակցություն և մասնակցություն ցույց տալով հայկական բոլոր ազգային կուլտուրական ձեռնարկումներին:

Ամեն մի հայ անխտիր մուտք է ունեցել նրա բնակարանը և մինչև իսկ նրա պաշտոնատեղում ունեցած առանձնասենյակը, խոսել նրա հետ հայերեն լեզվով, առանց թաքցնելու իր կարիքները հայտնել նրան. և եթե փնդողով հավաստիքներ է մատուցել նրան իր իսկական հայ լինելու, հայ կուլտուրական կյանքին ծառայելու կամ հետադաշում այդպիսի գործի պետք զալում, Եղյանն աջակցել է նրան թե իր խորհուրդներով, թե իր պաշտոնի հետ կապված նպաստավորումներով և թե անկեղեցական խորհուրդի տրամադրության տակ գտնված գումարներից օժանդակություն ցույց տալով, թողնել նշանակելով. նա անկեղեցական խորհուրդի՝ ազդեցիկ անդամը և հետո էլ նախագահն է եղել երկար ժամանակ:

Մայրաքաղաքի ուսանողներից շատերն են վայելել նրա աջակցությունը բարձրագույն դպրոցների մտնելուց, շատերն են ազատ եղ ու մուտք ունեցել նրա բնակարանը, վայելել նրա ընտանիքի սիրալիր հյուրասիրությունը, շատերն են պարբերաբար հրավեր ստացել մասնակցելու նրա շաքաթական ժողովների, ուր շահեկան զրույցներ ու մտքերի փոխանակություններ էին կատարվում և ուր նրանք որոշ ուղղություն էին ստանում ազգային կուլտուրական խնդիրների շուրջը ու պատրաստություն ձեռք բերում իրենց ապագա ազգային գործունեության համար:

Այդ բոլորի հետևանքով հասկանալի պիտի լինի, թե ինչու Եղյանի անունն ու հռչակը իր ժամանակ այնքան տարածված են եղել հայերի մեջ, հայ աշխարհում, թե ինչու նա դարձած է եղել մի կենտրոնական անձն, որին դիմել են ամենքը, ե՛վ էջմիածինը, ե՛վ հայ ազգային գործի գլուխ կանգնած մարմինները, ե՛վ հայ մասնավոր անհատները, որոնք ի վիճակի են եղել և կամեցել են ազգի կուլտուրական գործի համար մի բան ա-

նեւ: Նրա խորհուրդներով և բարոյական տգործնական աշակցութեամբ է գրվել Սանասարյանի կտակը, հիմնարկվել Սանասարյան դպրոցը Կարինում, հաստատվել Նոր-Նախիջևանի ու Բեսարաբիայի թեմական դպրանոցի կայսերահաստատ հիմնական կանոնները, Նոր Նախիջևանի ձեկեղեցական հոգաբարձութիւնը և այլն:

Լեւոն Տիգրանյանի ասելով՝ Եզյանը մի բարի, աշխատասեր մարդ է եղել, յուր մասին մեծ կարծիք չի ունեցել և բնավորութեան վերահիշյալ վատթար գծերը կամ բոլորովին չեն արտահայտվել նրա մեջ, կամ արտահայտվել են այնքան մեղմ եղանակով, որ համարյա թե նկատելի չեն եղել, բայց հասակն առնելու և ծառայութեան աստիճանի հետզհետե բարձրանալու հետ միասին վատթար գծերն էլ զարգացել և հետագայում արտահայտվել են զորեղապես: Օրինակ նա չէր կարող լսել ու տանել հակառակ կարծիքներ. նա այդպիսի կարծիքներ հայտնողների համար ունէր մի բառ, որ հաճախ և համարյա միշտ գործ էր ածում — «հիմար», որի ր տառն արտասանում էր ղ տառի հնչյունով և ծոր տալով «հիմաղղ» կամ ուսերեն «դուղղակ»: Ուսանողների մի մասն անհանդուրժելի համարելով նրա բնավորութեան այդ և դրա նման գծերը, հեռու էր պահում իրեն նրանից, չընդունելով նրա հրավերը և շայցելելով նրա շաբաթական ժողովները, ալիքներն էլ շուտով ճանաչելով նրան, հետզհետե հեռանում էին և մինչև վերջը մնում էին միայն նրանից մի որևէ պատճառով կախում ունեցողները:

Թե որքան ռիսակալ ու քննախնդիր էր նա, Տիգրանյանը, իբրև նրա բնավորութեան այդ գծի ցայտուն օրինակ, իր «Հիշատակարան»-ում մեջ է բերում նրա Պետերբուրգի համալսարանի արևելյան բաժնում հայոց լեզվի ու գրականութեան պրոֆեսոր լինելու ձգտումը և անհաջողութիւնը հայտնի հայագետ Մկրտիչ էմինի պատճառով: Նա այդ հանգամանքը չի մոռանում և 35 տարի անցնելուց հետո, երբ պատեհ առիթը ներկայանում է, միտն է բերում ու վերծիսնդիւր լինում:

Շնորհ եւ 1887 թվի վերջին արտասահմանից եկել էի Պետերբուրգ և Եզյանի հետ խոսում էի Պատկանյանի մասին, — գրում է Տիգրանյանը, — Եզյանը պատմեց ինձ հետեւյալը. «Մի»-տղ է, որ ես էի ուզում պրոֆեսոր դառնալ և պրոֆեսորութիւնը տվեցին Պատկանյանին: Այդ էմինն արեց: Մի քանի ժամանակ սրանից առաջ էմինը Պատկանյանին նամակ էր գրել, խնդրելով որ նա

առաջարկի ֆակուլտետին տալ իրեն դոկտորութեան դիպլոմ (Honoris Causa) ։ Պատկանյանն եկավ ինձ մոտ, բերեց էմինի նամակը և ասաց. «Թե էմինից այսպիսի նամակ եմ ստացել, «ի՞նչ է կամենում այդ էմինը, նոսա «ի՞նչ աշխատութեան համար պետք է առաջարկել ֆակուլտետին պատվո դոկտորի դիպլոմ տալ և վերջապես նա սաստիկ ծերացել է, այսօր թե վաղը պետք է մեռնի, ուղիղն ասած չգիտեմ, թե ի՞նչ պատասխանեմ»: Եզյանը պատասխանում է, «թե էմինի նամակն փրեն տա և նա կգրի, բոլ բան է: Պատկանյանը տալիս է նամակը: Եզյանը ասեց ինձ. «Ահա ժամանակն անկել էր էմինից ոխ հանելու: Ես գրեցի Պատկանյանի կողմից մի այնպիսի նամակ, որ էմինի շիգարդ դադեց. տվեցի Պատկանյանին ստորագրելու և ինքս տվեցի փոստը, որ մի գուցե Պատկանյանը կարդա և չուղարկի: Ես ի հարկե բացասեցի էմինի փնդիւրը, ասելով, «թե, պ. էմին, Զեր ո՞ր աշխատութեան համար եք կամենում այդ դիպլոմն ստանալ առանց քննութեան, Դուք այնպիսի աշխատանք չունեք և այլն. շատ քաղաքավարի, բայց կծու նամակ էր: Եթե էմինը իմ վրա ցույց տված լիներ պրոֆեսորութեան համար, «ես նրա հետ շատ ավելի լավ կվարվեի և ամեն մի շոց գործ կղնեի, որ այդ դիպլոմը նրան տան, ի՞նչ բան է մի թղթի կտոր տալը էմինին»:

Տիգրանյանն Եզյանին, իբրև չառ և վոնասակար հակումներ ունեցող անձի, ավելի ցայտուն անդանակով բնորոշելու ու բնութագրելու համար, մեջ է բերում նրա կյանքից նաև մի անհիշուելի դեպք, որտեղ սակայն այնքան վրդովեցուցիչ ու այնքան զարհուրելի են, որ մենք դժվարանում ենք հավատալ, թե դրանք կատարված լինեն Եզյանի պես մարդու ձեռքով, ուստի այդ դեպքերը մեջ ենք բերում վերապահութեամբ: Պարտք ենք համարում այստեղ նկատել և այն, որ բժ. Լեւոն Տիգրանյանը, ինչպես երևում է նրա մեր քանիցս հիշած «Հիշատակարան»-ից, իր կյանքում, սկսած 1859 թվից, երբ առաջին անգամ տեղափոխվել էր Եզյանի մոտ, և մինչև յուր քեռու՝ Մկրտիչ Սանասարյանի մահը (1890 թ. 5 մարտի), այսինքն ամբողջ 41 տարի, ստիպված լինելով քեռու պատճառով կապված մնալ Եզյանի հետ, այնքան և այնպես էր տանջվել ու չարշարվել նրա ձեռքից, որ այլևս չհամբերելով, յուր աշակերտութեան օրերին դաշույնի չափ դանակը ձեռքին մի գիշեր մտել էր ննջադաճը՝ նրան

սպանելու նպատակով. բայց Թորք ղանակը բարձրացրել էր, որ հարվածի, իսկույն հիշել էր նրա մորը, իր շատ սիրած Մամին-կին. ձեռքը թուլացել էր և թողել Բեռացել էր ասելով. «Շուն ես, շուն էլ մնա աշխարհիս Կրեմլին»։ Եվ այդ բոլոր տանջանքները հետևանք էին նրան, որ նա ունեւոր, բարեգործ Սանասարյանի քրոջ որդին էր, քեռու մեծ կարողության ապագա ժառանգը, որին իբրև թե Եզյանը կամեցել էր ատելի դարձնելով հեռացնել քեռուց, որպեսզի ճանապարհ հարթած լինի Սանասարյանի կարողությունն իր ձեռքն առնելու և գործադրելու իր ուղածի պես։ Այսպիսի հանգամանքներում բնական է կարծել, տղա ատելության մարտնչված Տիգրանյանը կարող էր, չենք ասում ստել, այլ շափաղանցրած լինել նրա ասածները և նրա բնավորության հոռի կողմերը։

«Եզյանի մասին, — ասում է Տիգրանյանը, մոռացա հենց սկզբում մի հետաքրքիր բան պատմել։ Երբ ես մտա Եզյանի պանսիոնը, մեք բանաստեղծ Միքայել Նալբանդյանն Եզյանի հետ դուստ էր։ Երբ նրան բանտարկեցին, Եզյանը հաճախ քնում էր բանտը, նրան տեսնելու։ Երբ վերջին անգամ բանտում խոսեցրել էին Նալբանդյանին, նրան հայտնել էին նրա այնպիսի գաղտնիքները, որ նա ակամա ապշած մնալով ասել էր. «Այդ բոլորն ապրիլ է, բայց ես ոչ ոքի այդ գործերի մասին չեմ հայտնել, դուք ո՞րտեղից գիտեք»։ Այդ ժամանակ «Երբորդ աղելենիում» էլ կային ազատամիտ մարդիկ, որոնք ծածկաբար ասել էին Նալբանդյանին, որ նրա սրտակից բարեկամ Եզյանն է այդ «դանոսն» արելը։ Եզյանն այդ ժամանակները դեռ ծառայում էր Ներքին Գործոց նախարարությունում։

«Երբ Նալբանդյանին բանտից արձակեցին (շաբաթ օր էր), կիրակի օրը նա ըստ սովորության եկավ եկեղեցի։ Երբ եկեղեցուց հետո, բակումն Եզյանն ինձ հետ միասին մոտեցավ Նալբանդյանին բարեկեր, նալ-

բանդյանը կատաղաբար նրա վրա նայելով, մի քանիսի և իմ առջև ասեց. Եզյանին. «ԱՆ ԵՅ ՍՈՂԵՆ, շանաղբ, ամոթ է քեզ հետ ծանոթ լինել, անպիտան լրտես»։ Նա այդ գործի վրա իմ պատմած մանրամասնությունները լսեցի Մովսես Բուդաղյանի մոտ, երբ ես գնացել էի այնտեղ. խոսակցությունը Բուդաղյանի և Նալբանդյանի մեջ էր։ Դրանից հետո Եզյանը և Նալբանդյանը, ի հարկե, այլևս ծանոթներ չէին։ Մի օր էլ Եզյանը խոսելով Սանասարյանի հետ, իմ առջև արդարանում էր այդ գործում»։

«Մի այլ հետաքրքիր բան Եզյանի մասին, — գրում է Տիգրանյանը. — Գևորգ կաթողիկոսն աշխատում էր վիճակավոր եպիսկոպոսների մի քանի իրավունքները իր ձեռքն գցել, որոնք իսկապես պատկանում են կաթողիկոսին։ Կաթողիկոսը գրագրություն ուներ Ներքին Գործոց նախարարի հետ այդ իրավունքների մասին։

«Այդ ժամանակ աշտարակցի Վեհապետյան Գևորգ արքեպիսկոպոսը Հաշտարիանի առաջնորդ էր և Գևորգ կաթողիկոսի հետ կաթողիկոսության կանդիտատ էր (եղել), որոնք պետք է կաթողիկոսին հակառակ լինեին։ Եզյանը գրում է Վեհապետյանին նամակ և հայտնում, որ կաթողիկոսը կամենում է նրա առաջնորդական իրավունքները տեփականացնել և փորձերով է տալիս հակառակել կաթողիկոսին։ Ուղարկում է իւրեղիրքի սեագրությունը, որ Վեհապետյանն արտագրել տա, ստորագրե և ուղարկե նախարարի հասցեով։ Այդ միջոցին Պերճ Պոռչյանը այդտեղ է լինում։ Եպիսկոպոսը կանչում է Պերճին և ասում. «Պերճ, մի տես Եզյանը ի՞նչ է գրում, ես բան չեմ հասկանում»։ Պերճը կարդում է և հասկանում։ Եպիսկոպոսն ասում է. «Քավ լիցի, ես այդպիսի գանգատ չեմ տա կաթողիկոսի վրա։ Եզյանի ցանկությունն էր, Կրեմլի, մի խաչ ստանալ, կամ տեղը չաղացնել»։

(Շարունակելի)

